



Horumarka Ilmahaaga

Heerarka barashada ee sanad dugsiyeedka 2017-18

Washington waxay leedahay heerar barasho oo fasalka barbaarinta ilaa fasalka 12aad (K—12) kuwaasi oo qeexaya aqoonta iyo xirfadda arday kastaa u baahan yahay si uu ugu diyaargaroobo shaqada, kuuliyadda, iyo nololsha marka uu dhammaysto dugsiiga sare.

Hoos waxa ku qoran tusaalayaal kooban oo kusaabsan ahdaafta barashada muhiimka ah ee Washington ee fasalka 6aad.
Macluumaad dheeraad ah, booqo:

www.YourChildsProgress.com

- **Fanka.** La dhaqaaqida saaxiib ama koox; sahaminta iyo dabbaqidda qaybaha muusiga; fahmida siyaabaha riwaayadaha loo qoro; isticmaalidda miqyaas qurux badan.
- **Teknoolajiyadda Waxbarasho.** Istimaalidda isbiriidhshiiit si loo muujiyo codbixin ama xogururin.
- **Fanka Luuqadda Ingiriisida (ELA).** Isbarbardhigga iyo isku-eegidda aragtida qoraaga iyo qorista lagu taagyeerayo sheegashooyinka iyadoo la isticmaalayo sabab iyo caddayn la xidhiidha.
- **Waxbarashada Caafimaadka iyo Jimicsiga.** Qiimaynta xaaladda waxbarashada jidhka iyo dejinta ahdaaf caafimaadka la xidhiidha oo macquul ah, fahmida cadaadiska filka iyo sida loo noqdo tusaale fiican.
- **Xisaabta.** Barashada fikradaha saamiyada iyo sicirrada, iyo isku-darista jajabta iyo tobanlayaasha si loo xalliyo masalooyin tallaabooyin badan.
- **Sayniska.** Wax-ka-barashada injineerinka, soosaarista moodooyin, iyo baadhista jawaab celinaha u dhexeeya habdhisyada.
- **Cilmiga Bulshada.** Sahaminta Dhulka iyo dadka ku nool iyadoo la adeegsanayo daraasaynta taariikhda adduunka, juqraafiga, siyaasadda, dhaqanka, habdhisyada dhaqaale ee hore.

Washington sidoo kale waxay leedahay heerar barasho **qaabdhismeedyada iyo heerar qaybeedka Bey'adda iyo Waaritaanka la Isdhexgaliyey, Luuqadaha Adduunka, Waxbarashada Shaqada iyo Farsamada** (oo loogu talagalay dugsiiga dhexe iyo dugsiiga sare), **Fasiixnimada Luuqadda Ingiriisida** (ee ELA, xisaabta iyo sayniska), iyo sidoo kale tilmaamaha **HIV & Caafimaadka Galmada** iyo **Barashada Hore** (dhalashada—fasalka 3aad) kuwaasi oo kaaba waxbarasho si buuxda loo diyaariyey oo loogu talagalay ardayda oo dhan.

Waxbarashada gaarka ah: Ardayda hessa adeegyadu waxay helaan waafajino, qaab-geddisyo, iyo taageerooyinka lagu sheego qorshayaashooda waxbarashada shakhsi ahaaneed.

Barayaasha luuqadda Ingiriisida: Ardayda barata ku-hadalka Ingiriisida waxay leeyihiin heerarka fasiixnimada luuqadda oo ka caawiya macallimiinta inay qorsheeyaan waxbarista maaddooyinka oo dhan kuwaasi oo ku habboon heerka luuqadda arday kasta.

FASALKA

6

Ahdaafta Barashada Gobolka Washington

Sharci-dejinta Gobolka Washington waxay aasaaseen afar hadaf oo barasho si loo taago aasaaska koboca dhammaan heerarka barashada tacliimeed ee gobolka:

1. U akhriska si faham leh, u qoris si wax-ku-ool ah, oo u gudbinta si meelmar ah adoo adeegsanaya qaabab kala duwan kuna sugan meelo kala duwan una jeeda dad kala duwan;
2. Barashada iyo dabbaqidda aragtida iyo mabaa'diida muhiimka ah ee xisaabta; bulshada, duleed, iyo nololeed cilmiyeedka; waddaniyadda iyo taariikhda, oo ay kujiraan dhaqamada kala duwan iyo kaqaybqaadashada matalaada dowladda; juqraafiga; fanka; iyo caafimaadka iyo dhisnaanta;
3. U fekerida qaab falanqayneed, caqligal ah, oo halabuur leh, iyo isdhexgalinta qorista iyo ku-fiicnaanta farsamada iyo sidoo kale waayo-aragnimada iyo aqoonta kala duwan si loo qaabeeyo go'aano macquul ah loona xalliyo dhibaatooyinka; iyo
4. Fahmida ahmiyadda shaqada iyo maalgalinta iyo sida hawlqabadka, dadaalka, iyo go'aannadu si toos ah ugu saameeyaan fursadaha shaqo iyo waxbarasho ee mustaqbalka.



Xafiiska Kormeeraha
Waxbarashada Dadweynaha
(Office of Superintendent of Public Instruction)
www.k12.wa.us

Imtixaanista Gobolka ee Washington

Sharciga federaalku wuxuu dhigaya in la imtixaano ardayda fasallada 3-8 sanad kasta marka dugsiga sarena laga qaado fanka luuqadda Ingiriisida (ELA) iyo xisaabta, iyo fasallada 5 iyo 8 iyo marka dugsiga sarena sayniska. Gobolka Washington sidoo kale wuxuu ka raba ardayda inay ka gudbaan imtixaano cayiman si ay u muteystaan inay ka qalinjabiyaan dugsiga sare.

Inta badan ardayda fasallada 3-8 waxay galaan imtixaanada **Smarter Balanced** ee ELA iyo xisaabta, iyo **Qiimaynta Dhammaystiran ee Washington ee Sayniska** ee fasallada 5 iyo 8. Imtixaanadaan waxa dhici karta in lagu qaato ama aan lagu qaadan qalab, taagyeerooyin, ama waafajino.

Ardayda qabta dhibaatooyin xagga garashada ah oo waawayn oo lagu diiwaangaliyo Barnaamijka Waxbarashada la khaasyeelay (IEP) waxay galaan qiimaynta kale oo ELA, xisaabta, iyo sayniska ah, oo loo yaqaan Washington – Access to Instruction and Measurement (**WA-AIM**).

Imtixaanada gobolka qaado *marnaba* waa inaanu noqon waxa kaliya ee lagu go'aaminaayo xirfadaha iyo aqoonta tacliimeed ee ardayda. Haddii aad qabto su'aalo kusaabsan barashada ilmahaaga, fadlan la xidhiidh macallinka ama dugsiga ilmahaaga.

Ardayda barata ku-hadalka Ingiriisida ee fasallada barbaarinta ilaa fasalka 12aad waxay gali doonaan Qiimaynta Fasiixnimada Luuqadda Ingiriisida Qarniga 21aad (**ELPA21**). Qiimayntani waxay cabirta xirfadaha luuqadda Ingiriisida iyo korriinka sanadkii ee akhriska, qorista, dhageysiga iyo hadalka. Ardayda keena heerka fasiixnimada ee Soo Koraya (Emerging) ama Horumaraya (Progressing) ELPA21 waxay u-qalmaan inay helaan adeegyada taageerada barnaamijka luuqadda Ingiriisida.

Su'aalaha la Iska Waydiiyo Imtixaanista Gobolka

Waa maxay sababta uu ilmahaaygu ugu baahan yahay inuu galo imtixaanada gobolka?

Imtixaanista gobolka waxa dhigaya shuruucda gobolka iyo federaalka. Ma aha sida kaliya ee loo ogaan karo sida ardaygu dugsiga ku yahay, laakiin waxay gacan ka gaysan kartaa aqoonsiga mushkiladaha barashada intaan wakhti badan dhicin.

Dugsiga sare, gudbista imtixaanada gobolka ama waxyaalaha halkooda gala ee la ansixiyo waxay muujiyaan ardaydu inay leeyihiin aasaas adag oo xirfadaha tacliimeed, halkay doonaan dugsiga ha ka dhigtaane ama waxay doonaan ha doortaan kadib qalinjabintooda.

Ma arki karaa imtixaanada ilmahaayga?

Sababo ammaanka imtixaanada ah dartood, ardayda waxa laga yaabaa inayna kala hadal waxa ku qoran imtixaanada gobolka saaxiibada iyo qoyska. Hase yeeshee, qoysaska way u fasaxan yihiin inay soo fiiriyaan imtixaanada ilmahooda kadib marka la saxo.

Daaqadaha Imtixaanista Gobolka

Imtixaanista waxa la muddeeyaa waqtiyada hoos ku qoran gudahooda. La xidhiidh degmo dugsiiyeedka deegaankaaga si aad u ogaato taariikhaha ilmahaagu imtixaanaka gali doono.

DAAQADAHAA IMTIXAANISTA GEBOLKA

Oktoobar WA-AIM
16– Abriil 6:

Febraayo 1– ELPA21
Maarso 30:

Maarso 5– Smarter
Junyo 8: Balanced

Abriil 16– Sayniska
Junyo 8:

OSPI waxay bixisaa warbixino buundo dhammaan imtixaanada sare ku qoran. La xidhiidh degmo dugsiiyeedka deegaankaaga si aad u hesho macluumaad dheeraad ah.

Maxay ka Dhigan Yihii Dhibcaha Imtixaanada Gobolku?

Heerka **4** **Dhaafay Heerarka la Rabo:** Muujiyay horumar sare oo ku aaddan yeelashada aqoonta iyo xirfadaha maaddada.

Heerka **3** **Gaadhay Heerka la Rabo:** Muujiyay horumar ku aaddan yeelashada aqoonta iyo xirfadaha maaddada.

Heerka **2** **Ugu Dhawaan Gaadhay Halka la Rabo:** Waxa dhici karta inuu u baahan yahay kobcin dheeraad ah si uu u muujiyo aqoonta iyo xirfadaha maaddada.

Heerka **1** **Aan Gaadhin Heerka la Rabo:** U baahan wax la qabasho wayn si uu u muujiyo aqoonta iyo xirfadaha maaddada.

Imtixaanada calaa Heer Fasal, 2017-18

Barba- arinta	1aad	2aad	3aad	4aad	5aad	6aad	7aad	8aad
ELA			✓	✓	✓	✓	✓	✓
Xisaabta			✓	✓	✓	✓	✓	✓
Sayniska					✓			✓

Xusuus-qorrada:

- Qiimaynta Fasiixnimada Luuqadda Ingiriisida waxay daruuri u tahay ardayda baranaya ku-hadalka Ingiriisida. Ardaydu waxay u galaan imtixaanada si ay ugu qalmaan helitaanka taageero. Waxay sii wadaan galista imtixaanada, si sanadle ah, ilaa ay gaadhaan fasiixnimada luuqadda Ingiriisida.
- Imtixaano kale ayaa la raba, laakiin degmooyinku waxay leeyihiin waxoogaa dabacsanaan ah kala-doorashada imtixaanada iyo go'aaminta marka ardaydu galayaan. Imtixaanada waxa kujira akhriska fasalka labaad iyo imtixaanada fasalka kusalaysan ee culuumta bulshada, fanka, waxbarashada caafimaadka iyo jimicsiga iyo maadooyin kale. Macluumaad dheeraad ah waxa laga heli karaa linkiyada Maadada la Baranayo (Subject Area) <http://www.k12.wa.us/assessment/default.aspx>.
- Degmo dugsiiyeedyadu sidoo kale waxa dhici karta inay rabaan imtixaano dheeraad ah. Ka hubi degmo dugsiiyeedka deegaankaaga tafaasiil dheeraad ah.

Office of Superintendent of Public Instruction
Old Capitol Building
P.O. Box 47200
Olympia, WA 98504-7200

www.YourChildsProgress.com